

2026KO EKITALDIRAKO ARTE PLASTIKO ETA IKUSMEN-ARTEEN BEKEN OINARRI ARAUTZAILEAK ETA DEIALDIA

Beken xedea.

Deialdi honen xedea da Bizkaian egoitza duten artista berriei arte plastiko eta ikusmen-artearen arloko sorkuntza artistikorako bekak ematea.

Proiektuak 2026ko irailaren 1etik 2027ko ekainaren 30era bitartean garatu beharko dira.

Onuradunak.

Beken onuradunek trebakuntza sendoa izan behar dute arte plastikoetan eta ikusmen-arteetan, eta, gainera, baldintza hauek bete behar dituzte:

- a) Europar Batasuneko estatu kide bateko naziotasuna edukitzea.
- b) Bizkaiko Lurralde Historikoko udalerriren batean erroldatuta egotea, etenik gabe, 2023ko urtarrilaren 1etik hona. (Baldintza hori ez da beharrezkoa izango 2023, 2024 edo 2025eko deialdietan Bizkaiko Foru Aldundiaren arte plastiko eta ikusmen-artearen modalitatean beka jaso duten eskatzaileentzat)
- c) Adina: 1991 eta 2008 urteen artean jaioa izatea (biak barne).

Deialditik kanpo geratuko dira pertsona hauek: deialdi honen aurreko urteetan arte plastiko eta ikusmen-artearen modalitatean hiru beka disfrutatu dutenak Bizkaiko Foru Aldundiaren eskutik.

Diruz lagundu daitezkeen gastuak

- a) Onuradunak egiten dituen bidaien gastuak direla eta gehienez 1.000 euroko dirulaguntza emango da
- b) Onuradunak egiten dituen ostatu-gastuak Estatutik kanpoko proiektuetarako baino ezin izango dira diruz lagundu, eta gehienez ere 8.000 euroekin
- c) Proiektua garatzeko beharrezkoak diren materialaren eta tresnen gastuak. Kanpo geratzen dira gastu hauek: ekipo informatikoak erosteko gastuak, ikus-entzunezko materiala zein argazkilaritzako eta zinematografiako materiala erostekoak.
- d) Proiektua gauzatzeko beharrezkoa den lokalaren errentamendua.
- e) Artisten sormen eta dedikazio gastuak, gehienez, 7.000 € proiektuko.

Eskabideak aurkezteko lekua eta epea.

Beka eskabideak Bizkaiko Foru Aldundiaren egoitza elektronikoaren bidez aurkeztu beharko dira:
<https://www.ebizkaia.eus/eu/hasiera>



Eskabideak aurkezteko epea: **maiatzaren 13tik 27ra**

Eskabidearekin batera aurkeztu beharreko agiriak eta betekizunak.

1. Eskabideak aurkezteko, 39/2015 Legearen 66.6 artikuluan ezarritakoarekin bat, deialdi honen berariazko eredura egokitu beharko dira, Bizkaiko Foru Aldundiaren egoitza elektronikoan bete eta aurkezteko: <https://www.ebizkaia.eus/eu/hasiera>

a) Egingo den proiektuaren memoria honako hauek zehaztuta:

1. Proiektuaren izenburua/identifikazioa.
2. Lortu nahi diren helburuak.
3. Kronograma.
4. Egiteko lekua eta herria.

b) Epaimahaiak baloratzeko, eskatzaileek honako hauek aurkeztu beharko dituzte:

1. Motibazio-gutun bat, gehienez 500 bat hitzekoa, zeinean eskatzaileak azaltzen baitu zergatik aurkeztu duen eskabidea.
2. Eskatzailearen curriculum vitae.
3. Bere obraren dokumentazio grafikoa edo ikus-entzunezkoa.

c) Taldeen kasuan eskatzen den dokumentazio osagarria

Taldeko kideen zerrenda izenduna, NANA edo AIZa adierazita.

-Zer pertsona izendatu den eskaera aurkezteko eta ordezkari jarduteko; eskaera taldeko kide guztiek sinatu behar dute.

Dokumentazio egiaztagarria.

Dauden datu-bitartekaritzarako sistemen bidez, Kultur Ekintzako Zerbitzuak egiaztatu eta kontsultatu egingo ditu administrazio publikoek interesdunei eta, hala badagokio, haien ordezkari, dekretu honen izapidetze administratiborako beharrezkoak direnean, interesdunak modu espresuan kontra dagoela adierazten ez badu. Kontra egonez gero, behar diren datuak edo dokumentuak aurkeztu beharko dira. Datu horiek honako hauek dira:

- a) Eskatzailearen identitateari buruzko datuak.
- b) Banku kontuaren titulartasun datuak.
- c) Errolda-ziurtagiri historikoa.
- d) Zerga-betebeharrak egunean dituela egiaztatzen duen ziurtagiria.
- e) Gizarte Segurantzarekiko betebeharrak egunean dituela egiaztatzen duen ziurtagiria.

Diru-laguntza emateko prozedura.



Bekak norgehiagoka araubidean emango dira, hain zuzen ere, epaimahai kalifikatzailea eratuko da eta hark aurkeztu diren eskabideak erkatuko ditu eta, foru dekretu honetan ezarritako irizpideen arabera. Puntuaziorik altuena lortzen dutenei emango dizkie bekak, lehentasun-hurrenkera ezarri ondoren eta aurrekontuko partidan izendatutako zenbatekoa muga izanik.

Ebaluazio-irizpideak.

Aurkeztutako proiektuen ebaluazioa egiteko, beheko irizpideak eta haien haztapena hartuko dira kontuan. Gehienez, 10 puntu emango dira, honela banatuta:

- a) Eskatzailearen ibilbidea: gehienez, 3 puntu.
- b) Sorkuntza-kalitatea: gehienez, 3 puntu.
- c) Kontzeptua (idea eta argumentazio-koherentzia): gehienez, 2 puntu. Alderdi honetan, proiektua garapen berrikoa izatea eta beste deialdi batzuetan aurkeztu ez izana ere baloratuko da.
- d) Proiektuaren bideragarritasuna: gehienez, 2 puntu.

Epaimahaiaren iritziz gutxienez ere 7 puntu lortzen ez dituzten proposamenak ezetsi egingo dira.

Beken zenbatekoa.

Onuradun bakoitzari eman ahal zaion gehieneko zenbatekoa aurrekontu araztuaren % 95 izango da, eta ez da kopuru hauek baino handiagoa izango:

- a) 16.000,00 euro atzerrian egiten diren proiektuen kasuan.
- b) 10.000,00 euro Bizkaian edo estatuko geinerako lekuetan egiten diren proiektuen kasuan.

Argibide gehiago

Tfnoak.: 944068705 / 944068730 / 946083510